



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Canonem Sacrificii Missae, Vti & reliquas eiusdem
Partes Brevis Ac Lvcvlenta, & ad pietatem vtilis Expositio**

Veken, Frans van der

Coloniae, 1644

§ 6. De mixtione Calicis

urn:nbn:de:hbz:466:1-9878

quæ Legis ad totius mundi expiatio-
nem salutemq; suscipiat. Sed propter
Christi corpus, in quod paulò post per
verba Consecrationis conuertetur.
Quia enim illud est vera hostia , quæ
sub eiusdem panis accidentibus in Mis-
sa offertur : hic panis per anticipatio-
nem dicitur hostia , & tantisper obla-
tionis cæremonias subit , donec illud
succedat. Decebat quippe, vti pluribus
dictum §. i. tanto Sacrificio aliquem
Oblationis apparatum præmitti : cùm
verò illum obire non possemus circa
victimam ipsam, vtpote que ante Con-
secrationis verba , quibus sacrificatur,
nobis præsens non esset, restabat vt di-
cta substitutione vtentes, manibus qui-
dem offerremus panem , sed animo in
veram hostiam mox successuram in-
tentio.

§. VI.

De mixtione Calicis.

Post oblatum panem præparatur
Ca-

Calix ad oblationem: quem in finem
Sacerdos, aquam vino miscet, ita præ-
cipiente Ecclesia, ut monet Concilium
Tridentinum a, tres huius precepti ad-
ferens causas: 1. est, quod Christum
Dominum ita fecisse credatur. 2. quia
è latere eius aqua simul cum sanguine
exiuit, quod Sacramentum hac mixtio-
ne recolitur. 3. cum aquæ in Apocalypsi
B. Ioannis, populi dicantur, ipsius populi
fidelis cum capite Christo unio repre-
satur. Quam rationem adfert quoque
Innocentius III. Cap. cum Marthæ, de
celebrat. Missarum. Addi his potest,
aut potius sub ultima ratione intelligi,
confessio Catholica duarum natura-
rum diuinæ & humanæ in una Christi
persona; teste enim Nicephoro b, ideo
Armeni mixtionem illam admittere
noluerunt, ne hanc duarum naturarum
unionem admittere viderentur.

Debet autem ex præscripto Floren-
tini Concilij, aqua vino miscenda esse

B 6

mo-

a Seff. 22. c. 7. b t. 18. hist. c. 53.

modicissima: ut significetur, quantilli
nos simus, si cum diuina Immensitate
& Christi Domini Maiestate confera-
mur: minores scilicet quam gutta in
calice, aut potius in immenso mari.
*Quod expressit Isaías, cùm dixit a, Ecce
Gentes, quasi stilla situla reputatæ sunt
coram Domino.* Utque præterea insi-
nuerit, quemadmodum in liquoribus
inter se commixtis maior ad se trahit
minorem, eumq; suis qualitatibus &
conditionibus imbuit, & quodammodo
in se conuertit: ita eum ex hoc Sa-
cramento sperari fructum, quo magni-
tudo Christi nostram paruitatem ab-
forbeat, suisq; diuinis moribus ac velu-
ti vita informet; ut quasi obliti propriæ
carnis & sanguinis, & in voluntate, ser-
mone, conuersatione similes Christo,
dicere possimus cum Apostolo b, *Vina
ego, iam non ego: viuit vero in me Chri-
stus.*

Hisce verò mysterijs recolendis a-

ptif-

a *Isa. 40.* b *Gal. 2.*

ptissimè quadrat oratio, quæ inter miscendum recitatur: *Deus qui humanæ substantiæ dignitatem:* in qua celebantur tres coniunctiones, ac veluti mixturæ prorsus admirabiles: prima in humanæ naturæ creatione: altera in eius assumptione ad verbum: tertia in eiusdem eleuatione ad gratiam & gloriam. Etenim admirabile diuinæ potentię, sapientiæq; opus est homo, in quo cum mortali corpore copulatur spiritus immortalis, mediaq; Angelos inter purūq; corpus substātia constituitur, supra hoc euecta, ab illis diminuta. Sed opus magis stupendum est Homo-Deus: quippe cuius extrema infinitè diffita vnio nihil, omnis omnium maxima substātialiter connectit. Mirandū deniq; quod iustis omnibus est commune, naturæ nostræ vilitatē componi cum diuinæ cōsortio, infimumq; nostræ seruitutis gradū cum diuina amicitia & adoptione: & quod insuper in Beatis cernitur, intellectum finitū potentiæq; immersum eleuari ad

dum actum purum & infinitum ; non per speculum & enigma, sed immedia-
tè sicuti in se est. De triplici hoc nexu
videri plura possunt apud D. Bernar-
dum a hom. 3. in vigilia Nativitatis Do-
mini , & iterum in sermone de tribus
mixturis. Poterit autem Sacerdos, dum
orationem hanc recitat , ex mixturis
tam admirandis primam & secundam
iam factam credere : ad tertiam in se
populoq; complendam spe adspirare.
a Serm. 2. in Natal. Domini.

§. VII.

*De oblatione Calicis, & orationibus
adiunctis.*

QVIA INCRUENTUM Legis nouæ Sa-
crificium , licet vnicum sit, dua-
bus tamen partibus constat : Corpore
scilicet Christi sub speciebus panis , e-
iusque sacratissimo Sanguine sub vini
speciebus : hinc Sacerdos interdum v-
nitatis memor , per modum vnius v-
trumque